

1686 die vigesima quarta iunii in tertiis.

Perillustris et admodum reverendus dominus Ioannes Ioseph de Petris iuris utriusque doctor plebanus Oretiae visitator apostolicus subdelegatus (etc.).

Visitavit ecclesiam parochialem sub invocatione beatae virginis Annunciatae de Muro, cuius ad praesens est rector perillustris et admodum reverendus dominus Petrus Moratus iuris utriusque doctor, quam assequutus fuit duobus circiter abhinc annis per permutationem cum admodum reverendo domino Ioanne Baptista de Falchis a Speluncato coram ordinario habitam, ut ex bullaticcis litteris; percipit ex dicta ecclesia annuum redditum librarum mille circiter monetae genuensis, consistentium in decimis, primitiis, oblationibus et in aliis proventibus bonorum stabilium dictae ecclesiae.

Visitavit sanctissimum sacramentum, quod invenit asservari in pixide ex auricalco cum cuppa argentea in totum deaurata, conopeo rubei coloris instructa et cruce in eius summitate munita, et est ad formam. Inservit pro adoratione et communionibus generalibus.

Visitavit aliam pixidem ex argento quae inservit pro asportando sanctissimo viatico ad infirmos, et mandavit provideri de bursa serica cum suis cordulis sericis unde appendatur ad collum sacerdotis. Ostensorium, turribulum et pluviale non adsunt, et dictum fuit iam commissa fuisse et expectari. Vidit baldachinum pro processionibus sanctissimi et etiam umbellam pro asportatione viatici, et sunt ad formam. De ceris pro deferendo sanctissimo providetur a communitate. Lampas ante ipsum sacramentum continuo ardet ex elemosinis et contributionibus dictae communitatis. Dictum sanctissimum sacramentum asservatur ad altare maius in tabernaculo ligneo in totum deaurato, conopeo albi coloris instructo et munito sera et clave, et est ad formam.

Visitavit fontem baptismalem, cuius vas est marmoreum, ciborium vero ligneum, conopeo cerulei coloris instructum cum cruce in eius summitate, munitum sera et clave quae detinetur paenes [*espace en blanc*], et est ad formam. In dicto fonte invenit asservari vasa argentea oleorum chrysmatis et cathecumenorum in bursa serica, et sunt ad formam. Visitavit oleum infirmorum in vase stanneo, et mandavit in posterum asservari in fenestrella conficienda in pariete prope altare maius in cornu evangelii, dictam fenestrellam mandavit vestiri panno [312r] violacei coloris et muniri sera et clave quae detineatur paenes parochum, desuper inscribendo litteris maiusculis

Oleum infirmorum.

Prope dictum fontem visitavit sacrarium, quod mandavit muniri hostiolo cum sera et clave quae detineatur paenes parochum.

Doctrina christiana docetur per dictum rectorem singulis diebus dominicis inter missarum solemnities et etiam persaepe docetur a prandio, et populus repertus est satis instructus.

Procuratores dictae ecclesiae renovantur annuatim et computa tunc temporis redduntur coram domino rectore et novis procuratoribus.

In hac ecclesia solet recitari officium beatae Mariae virginis singulis diebus festivis a confraternitate laicali ibi erecta auctoritate ordinarii cum capitulis ab eodem approbatis. Confratres induunt cappas et habent suos officiales, cuius caput vocatur prior, et renovantur ter per annum excepto massario, qui stat ad annum, et tunc redduntur computa coram domino rectore et novis officialibus. Habent massam pecuniariam constitutam ex contributionibus certis dictorum fratrum, de qua solent providere defunctos fratres in eorum depositione, tribuentes pro sepulchralibus exequiis libras septem cerae. Solent etiam dicti confratres providere altare de candelis pro missis celebrandis.

In hac ecclesia est erecta societas mulierum quae gubernatur a domino rectore sub quibusdam capitulis ab ordinario approbatis, et habent etiam dictae mulieres suas officiales, cuius caput vocatur priora, et renovantur singulis annis, computa tunc temporis reddentes de parva massa pecuniaria constituta ex contributionibus dictarum mulierum, de qua solent providere sorores defunctas de quibusdam elemosinis.

Visitavit altare maius, quod manutenetur a communitate absque ullo reddito et onere et est sufficienter provisum de necessariis ad celebrationem missae, instructum ornamento columnarum sculpturarum variis coloribus, in eo nulla reperitur indulgentia applicata neque in ullo alio altari.

Visitavit altare sub invocatione beatae virginis Assumptae, quod manutenetur a domino Petro de Muratis iuris utriusque doctore et suis haeredibus, et est sufficienter provisum de icone et de reliquis necessariis ad celebrationem missae; habet redditum annum librarum quingentarum et quinquaginta provenientum ex capitali librarum [312v] quinque millia et quinque centum in

sorte principali cuiusdam census a dicto domino patrono assignati et usque in perpetuum cum onere celebrandi ter per hebdomadam, et ad praesens satisfecit oneri ipsemet patronus, quod altare fuit dotatum a domino Ioanne de Astolto [*lire Astolfo*] eiusdem loci de Muro <et> post obitum ipsius patroni cum onere celebrandi quinque missas per hebdomadam in perpetuum.

Visitavit altare sub invocatione Nativitatis beatae Mariae virginis, quod manenetur a dominis haeredibus olim dicti solliciti fundatoris et est provisum de icone et caeteris necessariis ad missae celebrationem, et in eo solet aliquando celebrari absque ullo reddito et onere coram dicto altari.

Vidit monumentum, quod manenetur a dictis dominis patronis ad formam.

Visitavit altare sub titulo Purgatorii, manenetur a communitate absque reddito et onere et est sufficienter provisum de icone et reliquis necessariis ad celebrationem missae, et in eo aliquando celebratur.

Visitavit altare sub invocatione beatae Mariae virginis de sanctissimo Rosario, quod manenetur a consortio praedictarum mulierum et ab eisdem providetur de suppellectibus sacris necessariis ad celebrationem missae, de quibus invenit sufficienter provisum praedictum altare cum sua icone ad formam. Coram dicto altari solet recitari rosarium beatae Virginis ter per hebdomadam, sed non est ibi erecta societas.

Vidit sedem confessionalem et pulpitem superpositum, in quo solet concio haberi ad populum, et tam pulpitem quam sedes confessionalis sunt ad formam.

In dicta ecclesia vidit quatuor monumenta sepulchralia ad formam, et manenetur a quibusdam dominis patronis privatis, et quia fuit dictum iam mandatum fuisse ab ordinario debere fieri alterum monumentum pro communitate, quod adhuc constructum non fuit, ideo mandavit intra tres menses compleri; et quia adest reverendus dominus Ioannes Antonius Felix dicti loci qui ultroneus se offert suppeditare impensas ex sua devotione pro dicto monumento conficiendo in hac ecclesia, ideo grata habetur eius oblatio.

Visitavit campanile, quod mandavit compleri et etiam [**313r**] readaptari eius campanas, quas invenit fractas, infra annum. Corpus ecclesiae est dealbatum et ad formam eiusque fores sunt munitae clave quae detinetur paenes deputatum dicti loci.

Visitavit suppellectilia sacra, quae invenit satis pretiosa et copiosa et perpolite, tenentur asservata in quodam scamno a tergo altaris maioris.

Visitavit libros parochiales et invenit ad formam. Animae huius parochiae sunt in totum sexcentum, ex quibus communicantur quatuorcentum, et omnes paruerunt praecepto Ecclesiae, ut ex schedulis quas [rector?] distribuit notum est.

In hac parochia adsunt duo presbiteri, s[c]ilicet presbiter Barnardus de Franciscis et Ioannes Antonius Felix, quorum primus est i(uris) c(onsultus), et ambo testante domino rectore sunt bonae vitae et famae.

[*en marge*] Oratorium sancti Petri

Visitavit oratorium sub invocatione sancti Petri situm in loco Muri intra limites parochiae praedictae, et manutenetur a dominis patronis Petro de Muratis et Iacobo Francisco fratribus eiusdem loci. Habet unicum altare eleganter erectum cum ornamento columnarum sculptarum, et est sufficienter provisum de icone ad formam et de reliquis necessariis ad celebrationem missae, et in eo frequenter celebratur absque ullo onere et reddito. Suppellectilia sacra asservantur in scamno cum clave quae detinetur paenes dominos patronos. Corpus oratorii est dealbatum et perpolitum et eius fores sunt etiam ad formam, munitae clave quae detinetur paenes dictos dominos patronos.

Dictum oratorium fuit erectum auctoritate ordinarii et de eiusdem licentia, et de consensu rectoris ibi celebratur.

[*en marge*] Oratorium sancti Iacobi

Visitavit ecclesiam campestem sub titulo sancti Iacobi, quae manutenetur ab eadem communitate, et ibi aliquando celebratur.

Visitavit altare maius, quod invenit spoliatum et nudum et dumtaxat provisum de icone, et dictum fuit quando ibi celebratur asportari suppellectilia sacra ex ecclesia parochiali.

Visitavit etiam alterum altare pariter nudum ut supra et tantum provisum de icone sub invocatione sancti Iacobi maioris et altera icon[e] sub invocatione beatae Mariae virginis. Corpus ecclesiae est dealbatum et ad formam et etiam fores eius sunt ad formam, [313v] mandavit tamen muniri clave quae detineri debeat paenes dominum rectorem.

[*en marge*] Ecclesia sancti Ioannis Evangelistae

Visitavit ecclesiam campestram sub invocatione sancti Ioannis Evangelistae, quae antiquitus erat ecclesia parochialis et fuit in eius loco subrogata pro maiori commoditate populi altera ecclesia superius nunciata. Visitavit altare maius, quod manutinetur a communitate et est sufficienter provisum de icone et de caeteris necessariis ad celebrationem missae quae in eo aliquando solet celebrari, et suppellectilia sacra in quodam scamno sera et clave munito quae detinetur paenes dominum rectorem. Visitavit alterum altare nudum et expoliatum, in quo non celebratur quia fornix iam cecidit, et ideo mandavit infra annum readaptari. Corpus ecclesiae est dealbatum et ad formam. Fores dictae ecclesiae sunt ad formam, mandavit tamen muniri sera et clave quae detineatur paenes dominum rectorem. Prope dictam ecclesiam est caemeterium, quod mandavit melius claudi.

Visitavit aedes canonicales, in quibus de praesenti inhabitat curatus [*mot ajouté*], et invenit sufficientes et ad formam.

Nuptiae non benedicuntur, ideo mandavit in posterum benedici ad formam missalis romani, et si sponsi negligentes fuerint in benedictione petenda contra eos poena (etc.).

Vidit libros dicti domini rectoris et invenit copiosius eis abundare.